



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅՈՒՆ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

Ձեր _____

N21/ 74 2
« 14 » 02 2023թ.

Վահե Վարուժանի Բաղեյանին

Հասցե՝ Կոպայքի մ., ք. Հրազդան,
Կենտրոն թղմ., 72., բն. 15

Հարգելի՛ պարոն Բաղեյան,

Ուղարկում եմ Ձեր բողոքի հիման վրա իրականացված վարչական բողոքարկման
վարույթի արդյունքում կայացված որոշման օրինակը:

Առդիր՝ « 4 » թերթ:

Պեք,

ոստիկանության գնդապետ

Ռ. Մարանդյան

Կապ.՝ Վ. Սիմոնյան

Հեռ.՝ 010-59-66-84

« ՀԱՄԱՁԱՅՆ ԵՄ »

ՀՀ ոստիկանության իրավաբանական վարչության
պետ, ոստիկանության գնդապետ



Ռ. Մարանդյան

« 13 » փետրվար 2023թ.

Ո Ր Ո Շ ՈՒ Մ -152

/Բողոքը մերժելու մասին/

« 13 » փետրվար 2022թ.

ք.Երևան

ՀՀ ոստիկանության իրավաբանական վարչության ԻՊ բաժնի ավագ տեսուչ, ոստիկանության կապիտան Վ. Սիմոնյանս, ուսումնասիրելով Վահե Վարուժանի Բաղեյանի (այսուհետ՝ Դիմող)՝ ՀՀ ոստիկանության Կոտայքի մարզային վարչության Հրազդանի բաժնի (այսուհետ՝ Բաժին) վարչական ակտի դեմ վերադասության կարգով բերված բողոքը.

Պ Ա Ր Զ Ե Ց Ի

13.01.2022թ. ՀՀ ոստիկանություն է ստացվել Դիմողի դիմումը: «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի համաձայն՝ հարուցվել է վարչական բողոքարկման վարույթ, նշանակվել է վարչական լսում, որին պատշաճ ծանուցված Դիմողը չի ներկայացել:

Բողոքի առարկան

Դիմողը խնդրել է անվավեր ճանաչել ՀՀ ոստիկանության Կոտայքի մարզային վարչության Հրազդանի բաժնի 14.12.2022թ. թիվ 176 որոշումը:

Վարույթի համար նշանակություն ունեցող փաստերը.

1. 29.11.2022թ. Դիմողի նկատմամբ կազմվել է վարչական իրավախախտման վերաբերյալ թիվ 176 արձանագրությունը: Արձանագրվել է ՀՀ վարչական իրավախախտումների վերաբերյալ օրենսգրքի (այսուհետ՝ Օրենսգիրք) 173.2-րդ հոդվածով նախատեսված իրավախախտում:

2. ՀՀ ոստիկանության Կոտայքի մարզային վարչության Հրազդանի բաժնի պետի կողմից Դիմողի նկատմամբ 14.12.2022թ. կայացվել է վարչական իրավախախտման գործի վերաբերյալ թիվ 176 որոշումը, որով Դիմողը Օրենսգրքի 173.2-րդ հոդվածով նախատեսված արարք կատարելու համար ենթարկվել է վարչական պատասխանատվության նվազագույն աշխատավարձի հիսնապատիկի՝ 50.000 ՀՀ դրամի չափով:

Կիրառելի իրավունքը (օրենքը)

Սույն բողոքի նկատմամբ կիրառելի են «Վարչարարության հիմունքների և վարչական վարույթի մասին» ՀՀ օրենքը, Վարչական իրավախախտումների վերաբերյալ ՀՀ օրենսգիրքը (այսուհետ՝ Օրենսգիրք) և «Ծխախոտային արտադրատեսակների և դրանց փոխարինիչների օգտագործման հետևանքով առողջությանը հասցվող վնասի նվազեցման և կանխարգելման մասին» ՀՀ օրենքը (այսուհետ՝ Օրենք):

Վարույթի արդյունքում արված եզրահանգումները

«Ծխախոտային արտադրատեսակների և դրանց փոխարինիչների օգտագործման հետևանքով առողջությանը հասցվող վնասի նվազեցման և կանխարգելման մասին» ՀՀ օրենքի 1-ին մասի 1-ին կետի «դ» ենթակետի համաձայն՝ արգելվում է ծխախոտային արտադրատեսակների, ծխախոտային արտադրատեսակների փոխարինիչների (բացառությամբ բժշկական նպատակով օգտագործվող ծխախոտային արտադրատեսակների փոխարինիչների) օգտագործումը **համայնքի կողմից երեխաների համար նախատեսված խաղահրապարակներում և խաղային պուրակներում:**

Օրենքի պահանջների խախտումը առաջացնում է տուգանք Վարչական իրավախախտումների վերաբերյալ ՀՀ օրենսգրքի 173.2-րդ հոդվածի 1-ին մասի հիմքով (Օրենքով սահմանված ծխախոտային արտադրատեսակի կամ ծխախոտային արտադրատեսակի փոխարինիչների օգտագործման կամ օգտագործման սահմանափակման արգելքը խախտելը առաջացնում է տուգանքի նշանակում պաշտոնատար անձի նկատմամբ՝ սահմանված նվազագույն աշխատավարձի

հարյուրիսնապատիկից երկուհարյուրապատիկի չափով, իսկ **Ֆիզիկական անձի նկատմամբ՝** հիսնապատիկի չափով):

29.11.2022թ. Դիմողը ծխախոտային արտադրատեսակ է օգտագործել Կոտայքի մարզի Հրազդան քաղաքի Կենտրոն թաղամասի Օգոստոսի 23 փողոցին հարակից Սահմանադրության հրապարակի՝ երեխաների համար նախատեսված խաղահրապարակում, ինչի կապակցությամբ ոստիկանության Կոտայքի մարզային վարչության Հրազդանի բաժնի կողմից տուգանվել է 50.000 ՀՀ դրամի չափով:

Վերոգրյալի կապակցությամբ փաստում եմ, որ Օրենքի 43-րդ հոդվածի 1-ին մասի «ա» կետի համաձայն՝ անձի և վարչական մարմնի փոխհարաբերություններում ապացուցման պարտականությունը կրում է անձը՝ նրա համար բարենպաստ փաստական հանգամանքների առկայության դեպքում: Հատկանշական է, որ քննարկվող արձանագրությունը կազմվել է Դիմողի ներկայությամբ, ավելին՝ Դիմողին հնարավորություն է ընձեռվել վարչական իրավախախտման գործի քննության ժամանակ ներկայացնելու ապացույցներ առ այն, որ Օրենքով արգելված որևէ արարք չի կատարել, սակայն վերջինիս կողմից ո՛չ այդ պահին, ո՛չ վարչական բողոքարկման վարույթի ընթացքում որևէ հիմնավոր ապացույց չի ներկայացվել:

Այսպիսով, գործի փաստական հանգամանքներից երևում է, որ Դիմողը, գտնվելով Կոտայքի մարզի Հրազդան քաղաքի Սահմանադրության հրապարակի՝ երեխաների համար նախատեսված խաղահրապարակում, օգտագործել է ծխախոտային արտադրատեսակ՝ այդ կերպ խախտելով «Ծխախոտային արտադրատեսակների և դրանց փոխարինիչների օգտագործման հետևանքով առողջությանը հասցվող վնասի նվազեցման և կանխարգելման մասին» ՀՀ օրենքի պահանջները, հետևաբար՝ Բաժնի ծառայողի գործողությունները սույն փաստական հանգամանքների առկայության պարագայում եղել են իրավաչափ, որի արդյունքում կայացվել է իրավաչափ վարչական ակտ:

Դիմողը կատարել է վարչական իրավախախտումների վերաբերյալ ՀՀ օրենսգրքի 173.2-րդ հոդվածի 1-ին մասով նախատեսված իրավախախտում՝ խախտել է օրենքով սահմանված ծխախոտային արտադրատեսակի կամ ծխախոտային արտադրատեսակի փոխարինիչների օգտագործման կամ օգտագործման սահմանափակման արգելքը, այսինքն՝ Բաժնի պետի 14.12.2022թ. թիվ 176 որոշումն իրավաչափ է, և բացակայում են

«Վարչարարության հիմունքների և վարչական վարույթի մասին» ՀՀ օրենքի 63-րդ հոդվածով նախատեսված անվավեր ճանաչելու իրավական հիմքերը:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 76-րդ հոդվածի 4-րդ մասով և 1-ին մասի «բ» կետով՝


Ո Ր Ո Շ Ե Ց Ի

1. Բողոքը մերժել՝ 14.12.2022թ. թիվ 176 վարչական ակտը թողնելով անփոփոխ:
2. Որոշման օրինակը 3-օրյա ժամկետում ուղարկել կողմերին:
3. Սույն վարչական ակտը կարող է բողոքարկվել ՀՀ վարչական դատարան՝ ՀՀ վարչական դատավարության օրենսգրքի 72-րդ հոդվածով նախատեսված ժամկետներում:

ՀՀ ոստիկանության իրավաբանական

վարչության իրավական պաշտպանության բաժնի

ավագ տեսուչ, ոստիկանության կապիտան



Վ. Սիմոնյան




ՀՀ Ոստիկանության կենտրոնական ապարատ
Armenia ԵՐԵՎԱՆ ԵՐԵՎԱՆ, ԼԱՅԻՐԱՆՈՒԿՅԱՆ 130

0025

21/742

15.02.2023



L0108129396AM

ՀԱՏՎՈՐՈՒՄ	CN15
RETURN	
☐ Unknown	☐ Unknown
☐ Spoken	☐ Spoken
☐ Other	☐ Other
☐ Incomplete	☐ Incomplete
Return Date	

ՀԱՅԵՐԱՆԵՅԱՆ
Armenia ԿՈՏԱՅՔ ՀՐԱՇՈՒՄ ԿԵՆՏՐՈՆ 7 15 ԲՍ

powered by Envelope, envelope haypost.am

